

雷波廳志卷之三

疆域志

戎索千里久隸版圖旣通建越兼衛敘瀘百七十年
伊川兆亂蠢茲有苗侵軼爲患誰爲守者經界宜詳
扞我邊域奠我巖疆思彼古人斤斤寸土聚民聚財
允資鎮撫志疆域第三形勢附焉

雷波在敘府西南舊爲夷地明萬曆十七年設甯戎
巡檢司卽今黃螂地屬屏山縣

國朝雍正七年置雷波衛乾隆二十六年改爲廳黃螂

雷波廳志

卷之三

疆域

一

地屬焉廣袤約六百里距省城一千五百里府城六
百里東行一百六十里至大崖洞交屏山縣界南行
十五里爲金沙江渡江卽雲南永善縣地沿江行三
百一十里上至**狍**子村下抵大崖洞皆與永善縣相
接以江中分西行十五里至烏角汛由此迤邐行七
十里至黑角汛皆爲熟夷胡姓支所居黑角汛外卽
生番地北行九十里至三稜岡右營築城於此再三
十里至馬頸子汛與右營犄角右營附近爲熟夷丁
盧二姓所居此外卽生番地東北行一百里至羅三

溪交屏山縣馬邊廳界外卽大院子生番地
舊志雷黃距省城一千五百里東西距三百一十里
南北距二百四十里東至敘州府城六百里東至屏
山縣四百里北至馬邊廳四百里南至昭通府屬永
善縣四百里西南至西昌縣洗馬溪一百二十里西
北俱涼山道路不通

舊志雷波廳土司向設千萬貫承管谷堆魚洪天喜
哈魯等寨東至馬邊土百戶普阿姑地方二百里南
至西昌縣轄安土司屬烈科地方二百五十里西至

雷波廳志

卷之三

疆域

二

西昌縣安土司屬兩河口地方二百八十里北至馬
邊廳屬那姑地方三百里由普那姑至兩河口東西
相距二百里由烈科至那姑南北相距三百里計橫
五百里周圍約計一千五百里

舊志涼山生番地界西抵甯遠府西昌縣界西北抵
冕甯縣屬瀘姑冕山營小相嶺猓猓關等處界北抵
越嶲廳利濟海塘大樹堡界東至馬邊廳油榨坪界
南至金沙江抵永善縣界

形勢 附

雷波衛

水繞山環形如飛鳳地險路折勢若蟠龍

舊志

黃螂所

左挾冕甯右跨六詔凉山阨險金江劃界

舊志

雷波廳

川則有金沙江之險山則有錦屏龍頭之高林箐則
魚紅天喜之窈邃左衛敘馬右拱建南山路崎嶇江
流陡急無冬無夏瞻瘴雨之迷離維喬維條多林木

之蔭翳

舊志

雷波廳志

卷之三

疆域

三